

TURKISTON O'LKASIDA ZAMONAVIY TIBBIY XIZMAT TARIXI (19-ASR OXIRI - 20 ASR BOSHLARI)

Bozarov Umid Narzullo o'g'li

Aniq va ijtimoiy fanlar universiteti

2-bosqich magistranti,

ub9276806@gmail.com

ANNOTATSIYA

Mazkur ish Turkiston o'lkasida zamonaviy tibbiy xizmatning shakllanishi va rivojlanishiga bag'ishlangan. Unda 19-asr oxiri va 20-asr boshlarida Rossiya imperiyasi tarkibidagi Turkiston o'lkasida tibbiyot sohasida amalga oshirilgan islohotlar, yangi davolash usullarining joriy etilishi, shifoxonalar va poliklinikalar tarmog'ining rivojlanishi tahlil qilinadi. Shuningdek, mahalliy aholining tibbiy xizmatga bo'lgan munosabati, xalq tabobati va zamonaviy tibbiyotning o'zaro aloqalari o'rganilgan. Ishda arxiv hujjatlari, davriy nashrlar va o'sha davr shifokorlarining ilmiy ishlari asosida Turkiston o'lkasida tibbiy xizmatning taraqqiyoti yoritiladi.

Kalit so'zlar: turkiston o'lkasi, zamonaviy tibbiyot, tibbiy xizmat, 19-asr oxiri, 20-asr boshlari, shifoxonalar, poliklinikalar, xalq tabobati, rossiya imperiyasi, tibbiyot islohotlari.

ИСТОРИЯ СОВРЕМЕННЫХ МЕДИЦИНСКИХ УСЛУГ В СТРАНЕ ТУРЦИЯ (КОНЕЦ 19 - НАЧАЛО 20 ВЕКА)

АННОТАЦИЯ

Данная работа посвящена становлению и развитию современной медицинской службы в Туркестане. Анализируются реформы в области медицины, внедрение новых методов лечения, развитие сети больниц и поликлиник в Туркестанской области Российской империи в конце XIX - начале XX веков. Также было изучено отношение местного населения к медицинскому обслуживанию, взаимодействие народной медицины и современной медицины.

Работа освещает развитие медицинского обслуживания в Туркестане на основе архивных документов, периодической печати и научных трудов врачей того времени.

Ключевые слова: Туркестанский край, современная медицина, медицинское обслуживание, конец XIX века, начало XX века, больницы, поликлиники, народная медицина, Российская империя, медицинские реформы.

HISTORY OF MODERN MEDICAL SERVICES IN THE COUNTRY OF TURKEY (END OF THE 19TH - EARLY 20TH CENTURY)

ANNOTATION

This work is dedicated to the formation and development of modern medical services in Turkestan. It analyzes the reforms in the field of medicine, the introduction of new treatment methods, the development of the network of hospitals and polyclinics in the Turkestan region of the Russian Empire at the end of the 19th and the beginning of the 20th centuries. Also, the attitude of the local population to the medical service, the interaction of folk medicine and modern medicine was studied. The work covers the development of medical services in Turkestan on the basis of archival documents, periodicals and scientific works of doctors of that time.

Key words: the Turkestan region, modern medicine, medical service, the end of the 19th century, the beginning of the 20th century, hospitals, polyclinics, folk medicine, the Russian Empire, medical reforms.

KIRISH

Turkiston o'lkasi 19-asr oxiri va 20-asr boshlarida Rossiya imperiyasi tarkibida bo'lib, bu davrda ijtimoiy va iqtisodiy hayotning turli jabhalarida muhim o'zgarishlar yuz bergan. Ayniqsa, sog'liqni saqlash tizimida amalga oshirilgan islohotlar, tibbiy xizmat ko'rsatishning yangi shakllarining joriy etilishi va mahalliy aholini zamonaviy tibbiyot bilan tanishtirish jarayonlari katta ahamiyat kasb etdi.

Ushbu davrda Rossiya imperiyasi tomonidan Turkiston o'lkasida shifoxonalar, poliklinikalar va sanitariya tashkilotlari tashkil etildi. Bu inshootlar ilgari mavjud bo'lmagan tibbiy xizmatlarni mahalliy aholi uchun taqdim eta boshladi. Shu bilan

birga, turli kasalliklarning oldini olish va davolash bo'yicha zamonaviy usullar keng miqyosda qo'llanila boshlandi.

Ammo bu jarayon oddiy kechmagan. Mahalliy aholining zamonaviy tibbiy xizmatga bo'lgan munosabati, xalq tabobatining uzoq tarixiy ildizlari va bu ikki sohaning o'zaro aloqalari muhim masalalar sifatida ko'tarilgan. Shuningdek, Turkiston o'lkasida shifokorlar yetishmasligi, tibbiy kadrlarni tayyorlashning sust rivojlanishi va tibbiy xizmatlarning ba'zan faqatgina muayyan guruhlar manfaatiga xizmat qilishi kabi muammolar mavjud edi.

Mazkur tadqiqotda Turkiston o'lkasida zamonaviy tibbiy xizmatning shakllanishi va rivojlanish jarayonlari tahlil qilinadi. Ishning maqsadi 19-asr oxiri va 20-asr boshlarida tibbiyot sohasidagi o'zgarishlarning asosiy yo'nalishlarini ochib berish va ular Turkiston jamiyatining ijtimoiy hayotiga qanday ta'sir ko'rsatganini aniqlashdan iborat. Bu tadqiqot tarixiy, tibbiy va ijtimoiy jihatdan muhim masalalarni yoritib, o'sha davrning sog'liqni saqlash tizimi bo'yicha qimmatli bilimlarni taqdim etadi.

MUHOKAMA VA NATIJALAR

O'rta Osiyoda tabobat va tibbiyot ilmining rivoji uzun tarixga ega bo'lib, X-XI asrlarda, ayniqsa Ibn Sino davrida, o'lkaning tibbiy bilimlari o'zining eng yuqori darajasiga yetgan. Bu davrda dorishunoslik, jarrohlik va an'anaviy tabobat kabi sohalar katta rivojlanish ko'rsatgan. Ibn Sino 800 ga yaqin dori vositasini o'rganib, turli kasalliklarni davolashda samarali foydalanish usullarini ishlab chiqqan. Uning mashhur "Tib qonunlari" asari asrlar davomida tabiblar va madrasalarda darslik sifatida o'qitilgan. Ibn Sinoning bu asari keyingi davrlarning Sharq tabiblari uchun muhim manba bo'lib, ularga ijobiy ta'sir ko'rsatgan.

XIX asr oxiri – XX asr boshlarida Turkistonda ham tabiblar Ibn Sinoning asarlariga, ayniqsa uning kasalliklarni tavsiflash va davolash usullariga keng murojaat qilishgan. Misol uchun, Toshkentlik mashhur tabib Bositxon ibn Zoxidxon SHoshiy (1878-1959) o'zining "Favoid ul-adviyya va mavoid ul-ag'ziyya" asarida Ibn Sinoning "Qonun" va "Adviyat al-qalbiya" kabi asarlarini yuksak qadrlagan holda, turli kasalliklar, ularni davolash va tashxis qo'yish bo'yicha boshqa mashhur asarlarni ham

sanab o'tgan. Ulardan biri Ibn Baytor tomonidan yozilgan "Jomi" asari, yana Antokiyning "Tazkirayi Antokiy" asari, Shayx Yusuf Bag'dodiyning "Tazkira" si va Shayx Ismoil ibn Haybatullohning "Irshod" kitoblari kabilardir.

Yuqorida tilga olingan mashhur tibbiy asarlar Turkistonda tabiblar uchun zarur qo'llanmalardan sanalib, madrasalarda tibbiyot fanidan o'qitilgan. Tabib bo'lish uchun madrasada o'qish majburiy bo'lgan va an'anaviy tabobatni o'rganish uchun tabiiy fanlar bilan birga diniy va dunyoviy fanlarni ham mukammal o'rganish lozim edi. Shuningdek, dorilarni tayyorlash va kasalliklarni tashxislashda tibbiyotning buyuk namoyandalari bo'lgan Zakariyo Ar-Roziy va Ibn Sinoning asarlarini chuqur o'rganish talab qilingan. Ularni o'rganish uchun arab va fors tillarini bilish shart bo'lgan. Bundan tashqari, dorilarni tayyorlash va bemorlarni to'g'ri davolashda diniy bilimlar, Qur'on, Hadis va fiqh ilmlarini o'rganish zarur edi, chunki islomda halol va harom tushunchalari juda muhim ahamiyatga ega edi.

Madrasalarda ta'lim olib, dori tayyorlash, tashxis qo'yish va davolash usullarini o'zlashtirgan tabiblar bemorlarni samarali davolashgan. Bu jarayonda tajriba va kuzatishlar ham katta rol o'ynagan. Bilimli va tajribali tabiblar mustaqil ravishda davolash bilan birga yangi dorilarni yaratganlar. An'anaviy tabobatda kasalliklarni aniqlash va tashxis qo'yish usullari turlicha bo'lgan. Bunday tashxislar tashqi ko'rinish, alohida a'zolar holati, puls, til, peshob, qon, balg'am kabi omillarga qarab qo'yilgan.

Xususan, SHarq tabobatida pulsni o'lchash orqali kasalliklarni aniqlash keng tarqalgan usul bo'lgan. Shuningdek, tabiblar bemorning mizojini bilishi juda muhim deb hisoblangan. Mizojni yaxshi tushungan tabib bemorni muvaffaqiyatli davolay olgan. Bunda bemorning tana a'zolaridagi o'zgarishlarni kuzatish, u nima tanovul qilganini so'rash, salbiy holatlarni ko'rish yoki og'zaki so'rash kabi amaliyotlar ham katta ahamiyatga ega bo'lgan.

Turkistonga safar qilgan xorijiy elchilar va tadqiqotchilar o'z asar va safarnomalarida mahalliy tabobat usullari, dorilar turlari va davolash usullari haqida ma'lumotlar keltirganlar. Masalan, YU. Skayler o'zining qayd etishicha, mahalliy

tabiblarning birinchi tashxisi bemorning umumiy holatini tekshirish va uning mizojini so'rishdan iborat bo'lgan.

O'rta Osiyo tabiblari tomonidan ishlatiladigan dorilar asosan oddiy va o'simliklardan tayyorlangan bo'lib, odatda kukun yoki damlama shaklida bo'lgan. Aralash dorilarga ehtiyoj paydo bo'lganida esa, tabiblar turli moddalardan foydalanib, bemorga dorini o'zining tayyorlashiga ruxsat berganlar. Dorivor o'tlardan tayyorlangan dori turlari, jumladan, o'tli damlama, ma'junlar, hapdorilar, surtiladigan dorilar, sharbatlar, kukunlar, qo'yiladigan dorilar va yara uchun plastirlar keng tarqalgan. Shuningdek, har bir tabibning o'ziga xos dori tayyorlash sirlari bo'lgan, va bunday dorilar faqatgina o'z yaqinlariga yetkazilgan. Bu dorilar xalq orasida mashhur bo'lib, o'zini sinovdan o'tkazgan va ishonchli deb hisoblangan.

Xalq tabobatida, masalan, suyaklarning sinishi yoki lat eyishi kabi holatlarda maxsus tabiblar, yoki "siniqchi" deb ataladigan shifokorlar, bemorlarni davolagan. Ushbu tabiblar qo'l yoki oyoqni sinishi holatida taxtakachlab, gilmoya surib qo'yish usulini mohirona qo'llaganlar.

Turkiston o'lkasida zamonaviy tibbiy xizmatning shakllanishi Rossiya imperiyasining mintaqadagi ijtimoiy va iqtisodiy siyosatining bir qismi sifatida rivojlangan. 19-asr oxiri va 20-asr boshlarida Rossiya hukumatining Turkiston o'lkasida sog'liqni saqlash tizimini joriy etish bo'yicha olib borgan choralari natijasida yangi tibbiyot muassasalari, jumladan, shifoxonalar, poliklinikalar va sanitariya markazlari tashkil etildi. Ushbu muassasalar ilgari mavjud bo'lmagan zamonaviy tibbiy yordamni aholiga yetkazishni maqsad qilgan edi.

Mahalliy aholining zamonaviy tibbiy xizmatga bo'lgan munosabati bir xil bo'lmagan. Ko'pchilik xalq tabobatiga tayangan holda davolanishni davom ettirgan. Bu esa zamonaviy tibbiyotning aholi o'rtasida asta-sekin ommalashganini ko'rsatadi. Shunga qaramasdan, ba'zi mahalliy shifokorlar zamonaviy tibbiy bilimlarni o'zlashtirib, ularni xalq tabobati bilan uyg'unlashtirgan holda faoliyat yuritgan.

Tadqiqot davomida zamonaviy tibbiyot tizimining rivojlanishida bir qancha muammolar aniqlangan. Avvalo, tibbiyot muassasalarining soni aholi ehtiyojlarini

to'liq qondira olmas edi. Bundan tashqari, shifokor va tibbiyot xodimlarining yetishmasligi, malakali kadrlar tayyorlash tizimining sust rivojlanishi ham muhim muammo bo'lgan. Shuningdek, zamonaviy tibbiyot xizmatlari ko'proq shahar aholisiga yo'naltirilgan bo'lib, qishloq joylarda aholiga yetarlicha tibbiy yordam ko'rsatilmagan.

Muhokamalar quyidagi natijalarni keltirib chiqaradi:

1. Rossiya imperiyasi tomonidan Turkiston o'lkasida zamonaviy tibbiy xizmatning joriy etilishi mintaqada sog'liqni saqlash tizimini shakllantirishga asos bo'ldi.
2. Yangi shifoxonalar, poliklinikalar va sanitariya markazlari tashkil etilib, mahalliy aholiga zamonaviy davolash usullari taklif etildi.
3. Mahalliy aholi orasida zamonaviy tibbiyotga bo'lgan munosabat turlicha bo'lgan bo'lsa-da, asta-sekin tibbiy xizmatdan foydalanish ko'lami kengayib bordi.
4. Tibbiy xizmat ko'rsatishda shifokorlar yetishmasligi va infratuzilmaning zaifligi muhim muammolar sifatida saqlanib qolgan.
5. Xalq tabobati va zamonaviy tibbiyot o'rtasidagi aloqalar mintaqada sog'liqni saqlash tizimining rivojlanishiga ta'sir ko'rsatdi.

Ushbu natijalar shuni ko'rsatadiki, 19-asr oxiri va 20-asr boshlarida Turkiston o'lkasida zamonaviy tibbiy xizmatning rivojlanishi murakkab jarayon bo'lgan. U nafaqat Rossiya imperiyasi siyosatining natijasi, balki mahalliy jamiyatning o'ziga xos xususiyatlari bilan ham bog'liq edi. Bu tadqiqot sog'liqni saqlash tarixini o'rganishda muhim ahamiyatga ega bo'lib, zamonaviy tibbiy xizmatning rivojlanishiga oid yangi qirralarni ochib beradi.

XULOSA

Turkiston o'lkasida zamonaviy tibbiy xizmatning shakllanishi va rivojlanishi Rossiya imperiyasining mintaqadagi siyosiy, ijtimoiy va iqtisodiy islohotlari bilan bevosita bog'liq edi. 19-asr oxiri va 20-asr boshlarida Turkiston hududida shifoxonalar, poliklinikalar va sanitariya markazlarining tashkil etilishi tibbiy xizmatni yangi bosqichga olib chiqdi. Biroq, bu jarayon mahalliy aholining tibbiyotga nisbatan

an'anaviy munosabatini hisobga olgan holda amalga oshdi, shuningdek, xalq tabobati va zamonaviy tibbiyot o'rtasidagi o'zaro ta'sirlar bu jarayonning murakkabligini oshirdi.

Tibbiy muassasalar sonining yetarli emasligi, shifokorlar yetishmasligi va malakali kadrlar tayyorlash tizimining sust rivojlanishi, tibbiy xizmatlarning faqat shahar aholisiga xizmat qilishi kabi muammolar mavjud edi. Shu bilan birga, mahalliy aholining tibbiy xizmatga bo'lgan ehtiyoji o'sib borganligi, shifokorlar va tibbiyot xodimlarining malakasi oshishi, xalq tabobati bilan zamonaviy tibbiyotning uyg'unlashishi jarayoni ham bor edi.

Tadqiqot natijalari shuni ko'rsatadiki, zamonaviy tibbiy xizmatning joriy etilishi va rivojlanishi Turkiston o'lkasida sog'liqni saqlash tizimini mustahkamlashga olib keldi. Shuningdek, bu davrda amalga oshirilgan islohotlar mintaqada tibbiy xizmatni kengaytirish va uning sifatini yaxshilashga xizmat qildi. Bu jarayon nafaqat tibbiyot, balki Turkiston jamiyatining umumiy rivojlanishiga katta ta'sir ko'rsatdi.

Xulosa qilib aytish mumkinki, XIX asr oxiri – XX asr boshlari Turkistonda zamonaviy tibbiyot kirib kelganiga qaramay, an'anaviy tabobatning o'rnini butunlay egallay olmadi. Bunda asrlar davomida sinovdan o'tkazilgan SHarq tabobati, uning qadimiy asarlari, tabiblik an'analarning avlodidan-avlodga o'tishi, mashhur tabiblar tomonidan arab va fors tillaridagi tibbiy asarlarning turkiyaga tarjima qilinishi, toshbosma asarlarning ko'plab chop etilishi va madrasalarda tibbiyot fanlari o'qitilishining katta ahamiyati bor edi.

Mahalliy aholi an'anaviy tabobatga, ayniqsa tashxis qo'yish va turli dorilar bilan davolash usullariga bo'lgan munosabatini o'zgartirmadi. Tibbiy ko'rsatmalarni o'z ichiga olgan islom muqaddas manbalari, jumladan, hadislariga tayangan holda yozilgan SHarq tabiblari, ayniqsa Ibn Sino va boshqa tibbiyot olimlarining davolash va tashxis qo'yish usullariga murojaat qilish davom etdi.

Foydalanilgan adabiyotlar

1. Nazarov, K. A. (2017). Turkistonda tibbiy xizmatning rivojlanishi. Toshkent: Fan va texnologiya.

2. Abdullaev, T. S. (2018). Xalq tabobati va zamonaviy tibbiyot. Samarqand: Zarafshon.
3. Mahmudov, S. (2016). Rossiya imperiyasi davridagi Turkistonning ijtimoiy tizimi. Toshkent: Oliy o'quv yurtlari nashriyoti.
4. Rakhimov, Z. (2019). Turkiston o'lkasida sanitar va tibbiy xizmatlar: tarixiy tahlil. Farg'ona: Ilm va amaliyot.
5. Toshmatov, M. S. (2017). 19-20 asr boshlarida Turkistonda tibbiyot. Toshkent: Sharq.
6. Jalilov, I. S. (2020). O'zbekiston tibbiyoti tarixidan. Toshkent: O'zbekiston Respublikasi Oliy va o'rta maxsus ta'lim vazirligi.
7. Maxmudov, M. N. (2015). Turkistonning ijtimoiy tibbiy hayoti: Xalq salomatligi va tibbiyot. Toshkent: Ilm.
8. Sadiqov, U. (2018). Turkistonda tibbiyot va ijtimoiy o'zgarishlar. Toshkent: Fan va ta'lim.